



UNIVERSITÄTS-  
BIBLIOTHEK  
PADERBORN

## **Corpus Juris Canonici**

**Gregor <XIII., Papst>**

**Coloniae Munatianæ, 1665**

De Summa Trinitate, Et Fide Catholica. Titulus Primus.

---

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

# DE SUMMA TRINITATE, ET FIDE CATHOLICA.

TITULUS PRIMUS.

CAP. VNICVM.

*Facetur concilium, unicum DEI Filium in essentia DEI aeternaliter subsistentem verum corpus humanum assumpsisse de Virgine, & in eo passum, & jam mortuum lancea perforatum, approbans in hoc ordinem, quem tradidit Evangelista Ioan. b. d.*

Clemens V. in concilio Viennensi.



Ideò catholice fundamentò, præter quod (teste Apostolo) nemo potest aliud ponere, firmiter inhaerentes: aperte cum sancta matre ecclesia constitimur unigenitum Dei Filium, in iis omnibus, in quibus Deus Pater existit unum cum patre aeternaliter subsistentem: partes nostræ naturæ simul unitas (ex quibus in se verus Deus existens, fieret verus homo) humanum videlicet corpus passibile, & animam intellectivam, seu rationabilem; ipsum corpus verè per se & essentialiter informantem, assumpsisse ex tempore, in virginali thalamo, ad unitatem suæ hypostasis & personæ. Et, quod in hac assumpta natura, ipsum Dei verbum pro omnium operanda salute, non solum affigi cruci, & in ea mori voluit, sed etiam emissio a jam spiritu perforari lancea sustinuit iatus suum: ut exinde profluentibus undis aquæ & sanguinis, formaretur unica & immaculata, ac virgo sancta, mater ecclesiæ, conjunx Christi. Sicut de latere primi b hominis fororati, Eva sibi in conjugium est formata: ut sic cetera figure primi & veteris Adæ (qui secundum Apostolum e est forma futuri) in nostro novissimo Adam, id est, Christo veritas responderet. Hæc est, inquam, veritas illius prægrandis aquilæ vallis testimonio, quam Propheta vidit d. Ezechiel animalibus ceteris Evangelicis transvolantem, beati Ioannis videlicet, Apostoli, & Evangelistæ, qui sacramenti huius rem gestam narrans, & ordinem in Evangelio suo, dixit: Ad Iesum autem eam venissent, ut viderent eum jam mortuum, non fregerunt eum cura, sed unius militum lancea latus ejus aperuit, & continuò exivit sanguis & aqua: & qui vidit, testimonium perhibuit, & verum est testimonium ejus: & ille scit, qui verè dicit, ut & vos credatis. Nos igitur ad tam præclarum testimonium, ac sanctorum patrum & doctorum communem sententiam Apostolicæ considerationis (ad quam duntaxat hæc declarare pertinet) aciem convertentes, sacro approbante concilio, declaramus prædictum Apostolum & Evangelistam Ioannem rectum in præmissis factæ rei ordinem tenuisse: narrando, quod Christo jam mortuo, unius militum lancea latus ejus aperuit.

<sup>a</sup> Vide Guadenam Carmelitam in summa de hæresibus 1st. de hæresibus. Petri Ioan. mod. & ejus sequacium, cap. 3. <sup>b</sup> Genesis. 2. <sup>c</sup> Rom. 3. <sup>d</sup> Ezech. 4. 1. <sup>e</sup> Ioan. 1. 19.

*Reprobat & hæreticam iudicat doctrinam, que habet, quod substantia anima rationalis, seu intellectiva, verè, & per se, humani corporis non sit forma. Ioan. And.*

Porro a doctrinam omnem, seu positionem temerè asserentem, aut vertentem in dubium, quod substantia animæ rationalis, seu intellectivæ, verè ac per se humani corporis non sit forma, velut erroneam, ac veritati catholice inimicam fidei, prædicto sacro approbante concilio reprobamus: Definientes, ut cunctis nota sit fidei sincera veritas, ac præcludatur universis erroribus aditus, ne subintrent, quod quisquis deinceps asserere, defendere, seu tenere pertinaciter præsumpserit, quod anima rationalis, seu intellectiva non sit forma corporis humani per se & essentialiter, tanquam hæreticus sit censendus.

*Asserens confitendum unum baptisma, sicut unum Deum & unam fidem, approbat opinionem, que habet per illud conferri etiam parvulis (quoad habitum) informantem gratiam & virtutes. Ioan. And.*

Ad hoc b baptisma unicum baptizatos omnes in Christo regenerans est (sicut unus Deus ac fides unica) ab omnibus fideliter confitendum. Quod celebratum in aqua, in nomine Patris, & Filii, & Spiritus Sancti, credimus esse tam adultis, quam parvulis, communiter perfectum remedium ad salutem. Verum, quia quantum ad effectum baptismi in parvulis, reperiuntur doctores quidam theologici opiniones contrarias habuisse. Quibusdam ex ipsis dicentibus, per virtutem baptismi parvulis quidem culpam remitti, sed gratiam non conferri. Aliis è contra asserentibus, quod & culpa eisdem in baptismo remittitur, & virtutes, ac informans gratia infunduntur, quoad habitum, & si non pro illo tempore quoad usum. Nos autem attendentes generalem efficaciam mortis Christi (quæ per baptisma applicatur pariter omnibus baptizatis) opinionem secundam (quæ dicit, tam parvulis, quam adultis conferri in baptismo informantem gratiam & virtutes) tanquam probabiliorem, & dictis sanctorum, ac doctorum modernorum theologiæ magis consonam & concordem, sacro approbante concilio duximus eligendam.

<sup>a</sup> Vide conc. Later. sub Leone X. Sess. 8. in decreto incip. Apostolici regimini. <sup>b</sup> al. ab. <sup>c</sup> al. ipsi.